



Inatsisartuni ilaasortaq Malik Berthelsen  
/Maani

### § 36, imm. 1 naapertorlugu apeqqummut nr. 2009-133-mut akissut

Asasara Malik Berthelsen

Apeqqummut saqqummiussannut qutsavigaakkit, suliaq pillugu nassuiaateqarnissamut periarfissaqalerama.

1. **Illuni Namminersorlutik Oqartussanit pigineqartuni 30-399-nik taaneqartartunik najugallit, taamak annertutigisumik qaffaanissaq inoqtugiit qanoq amerlatigisut qaffaanissaq nammassinnaavaat?**

**AKISSUT:** Apeqqut aalajangersimavissumik akiuminaappoq, najugaqartut qaffaanerup kingorna ineqarnermut akiliisinaanersut paasineqassappat isertitanut apeqqut pingaaruteqarmat. Ineqarnermut akiliutit inissiap angissusia malillugu qaffanneqassapput, tassalu inissiaq anginerusimappat ineqarnermut akiliummut qaffaatissaq annertunerusussaammat. Assersuutigalugu illu 105 m<sup>2</sup>-nik angissusilik illoqarfimmi minnerusumiittoq assersuutigalugu akiliutissaq qaammammut 6.400 koruuninngorlugu qaffaavigineqartussaavoq.

Najugaqartup 6.400 koruunit akilersinnaanngikkunigit, attartortoq inissiaq "Attartortumiit piginnittumut" aqqissuussineq malillugu pisiarinissaa qinersinnaavaa. Najugaqartoq aningaaserivimmit taarsigassarsisinnaanngippat, Namminersorlutik Oqartussat akiligassanik kinguartitsigallarnissamik qinnuteqaat akilersugassanngorlugu suliarisinnaalissavaat. Tamannali aatsaat illup niuernerminingata 195.000 koruunit sinnersimangippagit pisinnaavoq. Taamatullu inissiamut akilinngitsuukkanik akiitsoqartoqannginnissaa piumasaqaatigineqarpoq.

2. **Qaffaanerup kingorna ineqarnermut tapiissutit (boligsikring) qanoq annertutigisumik aningaasartuutaanerulissappat? Aningaasartuutaanerulertussallu kiap akilissavai?**

**AKISSUT:** Najugaqartut illuni najugaqaannassappata, aammalu najugaqartut inissianik piginnittuulernissaq kissaatiginngippassuk, Namminersorlutik Oqartussat taamatullu kommunit ineqarnermut tapiissutinut aningaasartuutaat attartortut ineqarnermut tapiiffigineqarnissamut pisinnaatitaaffeqarnerisa annertussusaat malillugu qaffattussaapput. Tassalu maannakkorpiaq ineqarnermut tapiissutinut aningaasartuutinut sunniutaasinnaasut paasissutissiissutigissallugit ajornarpoq.

3. **Aningaasartuutaanerulertussallu kiap akilissavai?**

26. november 2009  
Sagsnr. 2009-022670  
Dok. Nr. 264418

Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: [aan@gh.gl](mailto:aan@gh.gl)  
[www.nanoq.gl](http://www.nanoq.gl)

**AKISSUT:** Ineqarnermut akiliutit qaffannerinut atatillugu ineqarnermut tapiissuteqartarnermi aningaasartuuteqarnerusoqassappat, kommunit aningaasartuutaanerusussat 40%-iinut aamma Namminersorlutik Oqartussat 60%-iinut akiliisussaapput. Tamatumunngali tunngatillugu oqaatigineqassaaq, najugaqartut tamarmik ineqarnermut tapiiffigineqarnissamut pisinnaatitaanaviangimmata, pissutigalugu ineqarnermut tapiissutit inoqutigii ukiumi akileraarfiusumi qaninnermi ataatsimut isertitaat akileraaruteqaataasussat tunngavigalugit tunniunneqartarmata.

**4. Ukiuni taakkunani illunut akiliutaasartut (husleje) sumummita nakkartarsimagamik aserfallatsaaliinermut akissaqalersimangillat?**

**AKISSUT:** Inissiat INI-mit aquunneqartut tamaasa ataatsimut isigalugit agguaasseriaaseq una atorneqarsinnaavoq:

1. Ineqarnermut akiliutit 12%-iisa missaat INI-mi allaffissornermut akiliutigineqartarput. Taakku agguaassereernerup kingorna 2008-mi inissiamut ataatsimut ukiumut annerpaamik 4.500 koruuninik amerlassuseqarsimapput.
2. Ineqarnermut akiliutit 22%-iisa missaat illumik piginnittumut inissiamut aningaasaliissutit tunngavigalugit aningaasaatitugit iluanaarutit tunniunneqartarput.
3. Ineqarnermut akiliutit 66%-iisa missaat najugaqarfimmi ulluinnarni ingerlatsinermut tutsinneqartarput. Ingerlatsinermut aningaasartuutit ilaatigut illuutitut nakkutilliisut akissarsiassaannut, sullissivinnut, iluarsaassisarnernut ingerlaavartunut aammalu aserfallatsaaliugassanut annertunerusunut illuartsinernut atorneqartarput.

30. september 2009-mi najugaqarfik 30-399-imi aningaasat illuartsitatut ileqqaakkat 14 mio. koruuninik amerlassuseqarput. Ineqarnermut akiliutit aqutugalugit najugaqarfimmi iluarsaassinernut ingerlaavartunut iluarsaassinernullu annerusunut aningaasaliissuteqarnissamut tunngavissaqalernissaq siunertaralugu illuartsitisoqartarpoq. Iluarsaassinissat eqqarsaatigalugit suliassat taakku aserfallatsaaliuinissamut pilersaarutit, najugaqarfiit tamarmik sularissallugit pissaaffigisaat malillugit sularineqartarput, tak. illuutinik najugaqarfissatut attartortitsisarneq pillugu nalunaarummi nr. 12-imi, 23. april 2008-meersumi kapitali 6.

Iluarsaassinissamut aningaasartuutissat ikinnerpaanissaat anguniarlugu illuni aserfallatsaaliuineq ingerlaavartumik ingerlanneqartussaavoq, ineqarnermulli akiliutit naammassimangimmata pisariaqartitsineq malillugu aserfallatsaaliinissaq ajornarsimavoq. Tamanna pissutigalugu Namminersorlutik Oqartussat illuni iluarsaassisarnermut annertooujussuarnik aningaasartuuteqartarput.

Inussiarnersumik inuulluaqqusilluta

Jens B. Frederiksen